

枕碧樓叢書

第十四冊

吳興沈夢麟先生花谿集卷之三

江南提刑按察司按察使邑人陸珩編

副使郡人吳瓊校正

五言律詩

鄞江漁舍

東望鄞江曲西連鑑水波
登臨思往昔歲月歎消磨
潮落紅魚出沙明白鳥過
漁郎有茅屋客至把青荷

野航

一室淨無塵門通畫舫鄰
若分鷗鷺席能受兩三人
江

水家家綠溪花岸岸春杜陵貪佛日隨意賦詩頻

雙溪漁隱

茗雪一浮家全勝奉使槎攤書蓬下讀沽酒店頭賒魚
上花如雪鷗行水露沙風流有如此官諫不須嗟

滄浪漁笛爲趙縣丞作

鷗鳥雙溪水荷花百頃陂自公休暇日之子釣遊時煙
雨孤舟弄乾坤一笛吹曲中無限思誰和倚樓詩

爲杜立德題韓介玉山水小景

每愛韓生畫清溫似魏公羣峯開錦繡一樹雜青紅佛

剡岡頭見漁舟谷口通徵君草堂裏絕似浣花翁

分來字韻送劉用章郎中入越

丞相存吾道司徒得俊才論兵煩入幕作賦好登臺鑑
曲黃冠盡蘭亭白髮哀吳中花滿眼別後望重來

雙鍾乃山名也刑曹掾索賦

鍾阜玉氤氲晴窗檢白雲螺鬟相對立眉黛忽平分學
記時時讀書聲夜夜聞匡廬藏息處李白最能文

四薌圖

奈爾四花何王孫筆意多騷人歌結佩仙子詠淩波白

吐珠璣蕾香浮露雨柯頻頻采詩者載酒屢相過

寄沈文忠

與子五年別其如契闊何停雲猶昨夢伐木每長歌老
景西飛日新愁東逝波花溪茅屋在無惜遠相過

題山水小幅

虛閣俯漣漪朱樓入翠微石根羣樹合谷口一僧歸瀑
布晴猶落油雲溼不飛細看圖畫裏不覺竟斜暉

送沈淵赴閩清縣令

相見還相別能無酒一壺青驄初息駕赤縣又飛鳧荔

子枝頭熟鶯聲葉低呼到官煩問政無惜著勤劬

雪室

林下凍雲垂天花拂鬢絲定回元不夜窗白已多時作
賦工無益安心請勿疑維摩虛席久吾欲賦襟期

寄海門計平仲縣尹

同是科名客衰年領薦書君今跨鳬舄吾獨困鹽車竈
火冬猶熾軍需日不虛艱難總如此東望一長吁

五言長律

乙酉三月以疾假榻九曜寺喜文忠隨至因

成五言十韻題壁間

瘡鬼雷驚去，
跽音雨送來。
坐深煩問粥，
力疾不勝杯。
已借高樓卧，
徐看落照開。
廚煙頻煮荀，
山果欲肥梅。
風景那堪說，
干戈亦未衰。
紅巾春爛熳，
白骨盡崔嵬。
賤子衰吾道，
諸公議相才。
看雲從坐起，
顧影久徘徊。
憂國同誰哭，
思家每獨哀。
時看忠穆傳，
與爾肺肝摧。

輓玩雲道人二十韻

茗書稱多士，
鄉閭見吉人。
故家遺典禮，
喬木抗風塵。
拔萃髯如戟，
韜光目有神。
箕裘煩繼述，
經史足紛綸。
來展

搏風翼先騰縱壑鱗桐廬施設好樞府贊襄頻語往往
勞悴懷歸遂隱淪種瓜將學圃去國倍思尋有子能勞
事趨庭善悅親未論金轡裏豈是石麒麟性嗜階前鶴
情怡席上珍玩雲詩奪錦好客酒傾銀屢約歸吾老俄
驚邁爾迤歲星秋診子鬼物夜呼賓勲業歸黃土文章
勒翠珉傷哉青眼少已矣白頭新憶昨通家舊居常與
爾論繁華固是夢潦倒可憐春世態輕三益天常重五
倫作詩成永別嗚咽淚沾巾

輓義門鄭伯陽先生二十韻

山入金華郡星分婺女墟白麟溪上出黃耆此中居天
敘光吾老人家人愼厥初睦宗書百忍教子足三餘棣萼
榮蘭橈荆花拂板輿高卑有橋梓孝義表門閭老我曾
觀禮多君不棄樗登階煩倒屣留客荷牽裾亟饋庖多
肉長歌食有魚開園摘新橘會食薦嘉蔬濫吹慚吾道
懷歸憶敝廬囊金渾散盡瓶粟已無儲指廩煩推已封
囊遠致予哀矜情已至感激我非虛跋涉山川隔淒涼
歲月除十年成契闊千里斷音書白露三秋杪黃花九
月初忽聞華表鶴已化夢中胥往弔舟藏壑徒行石有

祖臨岐揮老淚三歎久踟躕

七言律詩

北京同年鄉會

郭外行廚樂且湛柳條春水綠相涵九重策士

綸音近三月看花酒氣酣天下騁駟多冀北榜中人物
半江南明年重應金門詔未必狂生不與驂

紙帳

新製溪藤斗樣寬日光玉潔照衣冠可容公子圍春色
祇爲儒生障歲寒五夜白雲頭上起一天香雪夢中看

覺來門外霜風冽，卻憶蒼生卧不安。

王彥美載夢舟

風波滿地若爲愁，醉卧浮家蝶化周。
一枕潮音通鼻息，片帆月色照神遊。
橫江曾伴林臯鶴，高枕還依海上鷗。
祇恐元戎眠不著，起來蓬底看吳鉤。

貞白池上飲酒

秋風蕭蕭吹我裳，上公池上同揮觴。
紅蕖出水晚色淨，碧梧過雨高雲涼。
今之時流張乃事，古來達者和其光。
浮雲富貴如此耳，仰天一笑俱忘羊。

中秋夜泊黃河

黃流滾滾浪翻盆
百尺颿檣上下奔
月色偏于今夜白
河源不改舊時渾
雷行西北通天極
風送蛟龍入海門
欲醉一觴歌九敘
千秋萬歲禹功存

又

禹跡荒荒一岸巾
星槎渺渺不知津
波神豈爲蒼生恨
元氣同流萬里春
帆席高褰風色順
霜華初落雁聲新
壯遊不作愁秋歎
夜夜開篷望北辰

過徐州

戲馬臺前戰伐收北遊燕趙偶維舟蘇仙伯仲成黃土
宋代文章見此樓桑椹釀泉紅濫濫魴魚上水白浮浮
登高弔古平生意日短風帆不可留

李白酒樓

神仙樓閣倚天開我也登臨亦快哉不有靈風生錦袖
空餘明月照金罍雲霄鴻雁冥冥去齊魯山川滾滾來
問訊樓東舊桃樹汶陽別後有誰栽

灤河記夢

清禁迢迢夜未央夢隨法界出灤陽仙翁斫桂露香溼

宮女浣花雲氣涼天近星辰俱北拱風高鴻雁自南翔
覺來更悟人間世角角烏啼滿樹霜

聞眞白兄卒哭寄孟昌姪

又聞卒哭若爲情尙憶佳城不易營舊日文尊猶有汝
新年形影已無兄杏花桃葉俱春夢寒食清明總哭聲
西望新亭淚如雨欲攜家釀忍同傾

送虎大舉

使者旌旗向日懸南風打鼓發樓船蓬萊海色三千里
閩闔龍光尺五天送別況當多難日關心頻數中興年

玉堂親友如相見爲道狂夫只醉眠

張別駕如杭分題浙江亭

浙水秋風日夜哀獨憐亭子倚江開
百年王氣從龍去八月潮聲帶雁來
吳越兵戈沙上語江山風景掌中杯
不知別駕登臨後載得詩筒幾日回

答張德常

與子昔年遊帝鄉別來歲月何其長
偶遭世亂苦鬱鬱不覺老淚今浪浪
吳松月明幾家好洞庭秋風干橘香
已擬重陽過桐里先拚一飲醉萸囊

鑑湖分得燕字送馬易之

鑑湖春晴好放船登臨不惜酒如川賀家茅屋春波繞
禹廟梅梁鐵鎖懸江右文星多聚越海東潮汐直通燕
觀風采得詩千首好趁雲帆送上天

歌風臺

孤舟入沛夜如何況復登臺感慨多龍虎已銷天子氣
山河元入大風歌九霄霜露凋黃葉五夜星辰下白波
獨有當時三尺劍至今光怪未全磨

送友人赴杭分題得龍井

昔年龍井憶凭陵
曾見丹光石上騰
鱗甲在淵猶剩水
袈裟照影有殘僧
風流二老吾無及
搖落孤亭客重登
稍待西湖天雨雪
門茶同煮玉壺冰

訪張德常不值其弟相邀賦草堂

扁舟訪舊過桐里
令弟邀人賦草堂
龐公何事入城府
馬卿多情求鳳皇
滄浪濯錦百花笑
落日倒影羣鷗翔
誰言門巷苦逼仄
青雲玉佩長鏘鏘

元宵客城府代姚子張荅友人韻

郡國開筵賞上元
金吾仙杖擁羣賢
天光夜照金蓮炬